



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

**Luxemburgi, 1748**

CCLXXV. Damnatio, & Prohibitio cujusdam Libri Gallico idiomate impressi  
sub titulo-Histoire du Concile de Trente ecrite en Italienn par Fra Paolo  
Sarpi de l'Orde des Servites, & traduite de nouveau ...

---

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

retineri prohibemus, ipsiusque libri impressionem, descriptionem, lectionem, retentionem, & usum, omnibus, & singulis Christianis, etiam specifica, & individua mentione dignis, sub pena excommunicationis pro contrafacientes, ipso facto absque alia declaratione incurrenda, a qua nemo a quoquam (præterquam a nobis, seu Romano Pontifice pro tempore existente) nisi in mortis articulo constitutus, absolutionis Beneficium valeat obtinere, omnino interdiciamus.

§. 3. Volentes, & auctoritate Apostolica mandantes, ut quicumque librum huiusmodi penes se habuerint, vel in futurum quandocumque habebunt, illum statim, atque præsentem literæ eis innotuerint, locorum Ordinariis, vel hæreticæ pravitatis Inquisitoribus tradere, & consignare teneantur; hi vero exemplaria sibi sic tradita illico flammis aboleri curent. In contrarium facientibus non obstantibus quibuscumque.

§. 4. Ut autem præsentem literæ omnibus facilius innotescant, nec quisquam illarum ignorantiam allegare possit, volumus, & auctoritate prædicta decernimus, illas ad Valvas Basilicæ Principis Apostolorum, ac Cancellariæ Apostolicæ, necnon Curie generalis in Monte Citorio, & in Acie Campi Floræ de Urbe per aliquem ex Cursoribus nostris, ut moris est, publicari, illarumque exempla ibidem affixa relinqui; Sic vero publicatas omnes, & singulos, quos concernunt, perinde afficere, ac si unicuique illorum personaliter notificatæ, & intimatæ fuissent; ipsarum autem literarum transumptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eandem prorsus fidem tam in iudicio, quam extra illud ubique locorum haberi, quæ haberetur eisdem præsentibus, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die 26. Januarii 1740. Pont. nostri Anno X.

Exemplaria locorum Ordinariis tradenda, ut flammis consignentur.

Publicatio damnationis.

Dat. die 26. Januar. 1740. An. X.

CCLXXV.

Damnatio, & Prohibitio cujusdam Libri Gallico idiomate impressi sub titulo - *Histoire du Concile de Trente écrite en Italien par Fra Paolo Sarpi de l'Ordre des Servites, & traduite de nouveau en François avec des notes critiques, historiques, & Théologiques par Pierre François le Courayer, Docteur en Théologie de l'Université d'Oxford, & Chanoine Régulier, & ancien Bibliothécaire de l'Abbaye de Sainte Geneviève de Paris.* A Amsterdam Chez I. Wetstein, & G. Smith. 1736.

CLEMENS PP. XII.

Ad perpetuam rei memoriam.

Proemium. Creditum humilitati nostræ divinitus Pastoralis curæ atque vigilantie munus salubriter exequi, adjuvante Domino, satagentes, a perniciosissimæ pravarum Doctrinarum pascuis Dominicum Gregem universum arcere, & Orthodoxæ Fidei puritatem servare, quantum Nobis ex alto conceditur, jugi studio nitimur; ne animæ pretioso Salvatoris & Domini Nostri Jesu Christi sanguine redemptæ pestifera tæbe inficiantur, & in perpetuæ damnationis periculum adducantur.

§. 1. Cum itaque, sicut accepimus, in lucem prodierit quidam Liber Gallico idiomate editus, cui titulus - *Histoire du Concile de Trente écrite en Italien par Fra Paolo Sarpi de l'Ordre des Servites, & traduite de nouveau en François avec des notes critiques, historiques, & Théologiques par Pierre François le Courayer, Docteur en Théologie de l'Université d'Oxford, & Chanoine Régulier, & ancien Bibliothécaire de l'Abbaye de Sainte Geneviève de*

Liber, de quo in Rubrica, erroris, hæreticis, & scæti propositioibus.

Paris. A Amsterdam Chez I. Wetstein, & G. Smith. 1736. -- Venerabiles autem Fratres nostri S. R. E. Cardinales in tota Republica Christiana contra hæreticam pravitatem Generales Inquisitores a Sede Apostolica specialiter deputati, audita Libri huiusmodi Censura sibi relata, illum tanquam continentem propositiones falsas, temerarias, scandalosas, captiosas, seditiosas, alias damnatas, omnibus Episcopis, Sanctæ Sedi, totique Catholicæ Ecclesiæ injurias, erroneas, schismaticas, ac hæreticas respective, nec non ad stabilendum systema Religionis impium, & hæreticum tendentes, prohibendum & damnandum esse censuerint.

§. 2. Hinc est, quod Nos de memoratorum Cardinalium consilio, ac etiam Motu proprio, & ex certa scientia, & matura deliberatione nostris, deque Apostolicæ potestatis plenitudine supradictum Librum sub supra expresso, aliove quocumque titulo, ubicumque, & quocumque alio idiomate, seu quavis editione, aut versione huc usque impressum, aut in posterum, quod absit, imprimendum, tenore præsentium damnamus, & reprobamus, ac legi, seu retineri prohibemus, ipsiusque Libri impressionem, descriptionem, lectionem, retentionem, & usum omnibus, & singulis Christianis, etiam specificam, & individua mentione dignis, sub pena Excommunicationis per contrafacientes ipso facto absque alia declaratione incurrenda, a qua nemo a quoquam (præterquam a Nobis, seu Romano Pontifice pro tempore existente) nisi in mortis articulo constitutus, absolutionis beneficium valeat obtinere, omnino interdiciamus.

§. 3. Volentes, & auctoritate Apostolica mandantes, ut quicumque Librum huiusmodi penes se habuerint, vel in futurum quandocumque habebunt, illum statim, atque præsentem literæ eis innotuerint, Locorum Ordinariis, vel hæreticæ pravitatis Inquisitoribus tradere, atque consignare teneantur; hi vero exemplaria sibi sic tradita illico flammis aboleri curent: In contrarium facientibus non obstantibus quibuscumque.

§. 4. Ut autem præsentem literæ omnibus facilius innotescant, nec quisquam illarum ignorantiam allegare possit, volumus & auctoritate prædicta decernimus illas ad Valvas Basilicæ Principis Apostolorum, ac Cancellariæ Apostolicæ, necnon Curie generalis in Monte Citorio, & in Acie Campi Floræ de Urbe per aliquem ex Cursoribus nostris, ut moris est, publicari, illarumque exempla ibidem affixa relinqui; sic vero publicatas omnes & singulos, quos concernunt, perinde afficere, ac si unicuique illorum personaliter notificatæ & intimatæ fuissent; ipsarum autem literarum transumptis, seu exemplis etiam impressis, manu alicujus Notarii publici subscriptis & sigillo personæ in Ecclesiastica dignitate constitutæ munitis eandem prorsus fidem tam in iudicio, quam extra illud ubique locorum haberi, quæ haberetur eisdem præsentibus, si exhibitæ forent, vel ostensæ.

Datum Romæ apud S. Mariam Majorem sub Annulo Piscatoris XXVI. Januarii MDCCXL, Pontificatus Nostri An. X.

D. Card. Passioneus,

Et fidelium consortio eliminatur.

Locorum Ordinariis, flammisque tradendus.

Harum Literarum transumptis danda fides.

Dat. die 26. Januar. 1740. An. X.